

BENOIST (Arnaud), notaire de Villemur, minutes 1633-1646, cède volante au f° 345, Archives départementales de la Haute-Garonne, cote 3 E 26982, PH/JCHR/1170889.

Au nom de dieu soict -----

sachent tous presans et advenir qué
ce jourd'huy **vingt quatriesme** du mois de
juin mil six cens quarante un après
midy dans **villemur** et maison des
here(tier)s dé feu jen lafitte &a regnant
louis &a constitués en sa personne
francois timbal laboureur habitant de
la paroiesse **s(ain)tes carriettes** d une part
et **bertrande savierres vefve a vidal**
vignes habitante dud(it) villemur d autre
lesquelles parties de leur bon gré
ont faicts et arrestés les pactes de
mariage que s ensuittent en premiér
lieu led(it) timbal de l advis dé sés
admis a promis prendre a femme
et loyalle expouze lad(ite) savierres et
pareillément icelle savierres de l advis
de **jean et francoize savierres sés**

.....
frere et soeur promet prendre a mary
et loyal espoux icelluy timbal et solempnizér
ledict mariage en face de nostre sainte
mere eglise catholique appostolique
romaine quand l une partie requera l autre
cessant tout legitime empechem(en)t les
nopces (*sic.*) faictes pour supporta(ti)on dés charges
dud(it) mariage ladicte savierres sé
constitue de dot et brequiere (*lire : verquiere*) tous et
chacungs sés biens et droicts en quel
lieu qué puissent estre qu'icelluy timbal
sera tenu luy recognoiestre l hors qu()il
prendra en et sur tous et chacungs sés
biens presans et advenir pour lé tout
luy estre randeu ou aux siens lé cas
de restitu(ti)on advenant suivant la coustume
du presant pays de languedoc et parce

.....
que ladicte savierres se treuve debiteresse
en la somme de soixante quinze livres
et qu()elle se trouve **oppressee dés creanciers**
est accorde qu()icelluy timbal sera tenu
acquitter lad(ite) somme a la decharge
d()icelle savierres a la seulle requi(siti)on
quy luy en sera faicte laquelle dicte
somme dé soixante quinze livres icelluy
timbal donne dors et desja a lad(ite)
savierres pour les bons et agreables services
qu()il avoict retiré d()icelle et la recollte

de la piece terre qu()elle a della la riviere
de tar(n) appartiendra audict timbal et
pour tout ce dessus tenir garder et
observér les parties chacunes comme
les conserne obligent leurs biens presans
et advenir soubz mis aux rigueurs de
justice de ce royaume de france et l ont
juré presans pierre lafferrière sargér

.....

Jean bonne ville serurier habitans dudict
villemur et anthoine saint martin labour(eur)
habitant éd saintrs carrittes et pierre
cable forgeron habitant de villematier
né sachant signer ny parties et moy
no(tai)re soubz(sig)né la necessite du conterolle
a esté declairé a peine de nullité
benoist no(tai)re au marge est escript controle
le vingt cinquiesme juin m(il) vi^c quarante
un 3 s(ols) 4 d(eniers) custos signe extraict
tire de son original retenu par led(it)
benoist lad(ite) annee par moy **estienne hugonenc**
no(tai)re acquereur de l office et papiers dud(it) benoist
trouvé en la forme susd(ite) en foy de quoy me
suis soubz(sig)ne a villemur ce scetziesme
mai m(il) vi^c septante

Hugonenc, no(tai)re